



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

Ser. I. De persecutionibus etiam nunc Ecclesiam afflignantibus & vera
obedientia: in illa verba Saule Saule quid me persequeris?

urn:nbn:de:hbz:466:1-39254

IN CONVERSIONE S. PAULI.

De persecutionibus etiam nunc Ecclesiam affligentibus, &
vera obedientia.

SERM O I.

Saule, Saule quid me persequeris? Act. 9. a.

*Paulus con-
versus conver-
tit gentes, et
iam hodie.*

*Idque tripli-
citer;
Exemplo, O-
ratione, do-
ctrina.
Festivitas con-
versionis tri-
plicem adfert
utilitatem.
I. Spem venie-*

Auctor. 9.a

*Fidelium per-
sequitio ipsius
Christi cen-
satur.*

MErito quidem, dilectissimi, conversio Doctoris gentium ab universitate gentium festivis gaudiis hodie celebratur. Multos enim ab hac radice ramos prodiisse videmus. Conversus Paulus, conversionis minister factus est in universo mundo. Et multos quidem olim in carne adhuc, sed non jam secundum carnem ambulans, prædicationis officio convertit ad Deum; nunc quoque in ipso felicius vivens, & apud ipsum, ne adhuc quidem cessat ab hominum conversione: dico autem exemplo, oratione, doctrina. Propterea denique conversionis eius memoria frequentatur, quod & ipsa quoque memorantibus utilis inveniatur. In hac enim memoria & peccator spem veniam concipit, & provocatur ad pœnitentiam, & qui jam pœnitet, perfectæ conversionis accipit formam. Quis desperet ultra pro magnitudine cuiuslibet criminis, quandoquidem Saulum audiat adhuc spirantem minarum, & cædis in discipulos Domini, subito factum vas electionis? Quis dicat iniquitatis pondere pressus, assurgere jam ad studia meliora non valeo: quando in ipso itinere quo sanguinem sitiens Christianum, dirum toto pectore virus efflabat, persecutor crudelissimus in fidelissimum repente mutatus est prædicatorem? Magnifice siquidem in hac una conversione & misericordiae magnitudo, & efficacia gratiae commendatur.

Subito (ait Lucas⁴) circumfulxit eum lux de cælo. O verè inæstimabilis divinæ dignatio pietatis! Illustrat cœlesti fulgore vel à foris, intus adhuc luminis incapacem. Qui necedum infundi poterat, divina saltem circumfunditur claritate. Et vox facta est. Lucis & vocis testimonia credibilia facta sunt nimis; nec dubitare est de veritate quæ sepe ingerit per utrasque, oculorum scilicet auriumque fenestras. Sic nimurum, sic in Jordane quoque supra caput Domini & columba apparuit, & vox sonuit: sic & in monte quando transfiguratus est coram Discipulis, & claritas visa est, & vox nihilominus Patris audita: Saule, Saule, quid me persequeris? Verè deprehensus est Saulus: non est dissimulandi locus, non est facultas illa negandi. In manibus sunt epistolæ crudelissimæ legationis, auctoritatis execrandæ, potestatis iniquæ. Quid me persequeris? inquit. An non perseguebatur Christum, qui Christi membra trucidabat in terris? An verò persecuti sunt Christum, qui sacratissimum illud

corpus

corpus crucis affixè patibulo , & non persequebatur eum qui advertus corpus eius quod est Ecclesia (est enim corpus eius etiam ipsa) odio fure batinquo ? Denique si proprium sanguinem dedit in pretium redemptionis animarum, non tibi videtur graviorem ab eo sustinere persecutio-
nem, qui suggestione maligna, exemplo perniciose, scandali occasione, avertit ab eo animas quas redemit , quam à Judæo qui sanguinem illum fudit.

Agnoscite dilectissimi & expavescite consortia eorum qui salutem impediunt animarum. Horrendum penitus sacrilegium, quod & ipso-
rum videtur excedere facinus , qui Domino maiestatis manus sacrilegas injecerunt. Videbatur jam cessasse persecutionis tempus, sed ut palam factum est, nunquam deest persecutio Christiano, sed neque Christo. Et nunc quod gravius est, ipsi Christum persequuntur , qui ab eo utique Christiani dicuntur. Amici tui DEUS & proximi adversum te appro-
pinquaverunt & steterunt. Coniurasse videtur contra te universitas po-
puli Christianià minimo usque ad maximum : à planta pedis usque ad verticem nō est sanitas ulla: egressa est iniquitas à senioribus, judicibus, vi-
cariis tuis, qui videntur regere populum tuum: non est jam dicere , Ut populus, sic Sacerdos ; quia nec sic populus, ut Sacerdos. Heu, heu Domine Deus , quia ipsi sunt in persecutione tua primi , qui videntur in Ecclesia tua primatum diligere, gerere principatum ! Arcem Sion occu-
paverunt, apprehenderunt m'uniones , & universam deinceps liberè & potestativè tradunt incendio civitatem. Misera eorum conversatio,
plebis tuae miserabilis subversio est. Atque utinam sola hac parte noce-
rent. Eset fortè qui Dominica præmonitus & præmunitus exhortatio-
ne, daret operam ipsorum non exempla imitari, sed observare præcepta,
juxta illud ^b : Quæ dicunt facite, & ad opera eorum nolite respicere. Nunc autem dati sunt facri gradus in occasionem turpis lucri, & quæstum æsti-
mant pietatem. Copiosissimæ siquidem pietatis inveniuntur in susci-
pienda (imò accipienda magis) animarum cura; sed hæc apud eos cu-
ra minor , & de animarum salute novissima cogitatio est. An verò Sal-
vatori animarum gravior ulla esse poterat persecutio ? Iniquè agunt &
cæteri contra Christum , multique sunt nostris temporibus Antichristi.
Merito tamen & crudeliorem eam censet persecutionem pro acceptis be-
neficiis, & graviorem sentit pro potestate , quam propriis sustinet à mi-
nistris: licet alii quoque multi contra proximorum salutem multifariè
multisque modis & variis occasionibus agere videantur. Hæc vi-
det CHRISTUS & filet; hæc Salvator patitur & dissimulat. Pro-
pterea dissimulemus nos quoque necesse est , & fileamus interim ,

Sermones S. Bernardi,

S

maxi-

*Salutem ani-
marum impe-
dire, gravissi-
ma persequu-
tio est.*

*Nunquā de-
est persequen-
tio Christiano,
adeq; Christi.*

*NOTA.
Prelati & Pa-
stores mali ma-
ximi persecu-
tores Christi.*

*b Matt. 23: 8
Sacros Ordines
in turpis lucro
occasionem ce-
dere deplorat.*

maximèque de Prælatis nostris, Magistris Ecclesiærum. Sic nimirum, sic placet & ipsis, ut evadant nunc humana iudicia, veniatque semel iudicium grave his qui præsumunt, & potentes patientur tormenta potenter.

Vereor, dilectissimi, ne quis forte sit & in nobis Domini persecutor; quia manifesta docuit ratio, impedire salutem, esse persequi Salvatorem. Quas ego de salute animæ meæ fratri illi gratias agere possum, qui mihi propinat detractionis fraternali venenum? Merito *detractores Deo odibiles* describuntur^c, tanquam persecutores. Quid & is qui exemplo suo ad remissius agendum cæteros provocat, aut singularitate turbat, aut inquietat curiositate, aut impatientia sua & murmuratione molestat, aut quoconque modo contristat spiritum Dei qui in eis est, scandalizans unum de minimis istis credentibus in eum? Nonne & hic manifestè persecutus Christum? Ut ergo persecutorum & nomen & crimen longè sit semper à nobis, obsecro vos dilectissimi, benignos semper & mites exhibeamus nos, invicem supportantes in omni patientia, & ad id quod melius & perfectius est, alterutrum provocantes. Quis enim servus sufficere sibi putat non persequi Dominum, sed nec obsequi Domino? Quam habiturus est gratiam, si ut non resiliat, sic nec assistit quidem? Denique si quis adeo pusillanimis est, ut satis sibi reputet nec persecutorem esse nec coadiutorem Dei, audiat quid ipse loquatur^d: *Qui non est tecum, contra te est: & qui non colligit tecum, dispergit.*

Saul, Saul, quid me persequeris? Et ille: *Quis es Domine?*^e Hinc profectò datur intelligi quia verè circunfusa erat illi claritas, non infusa. Audiebat Paulus vocem Domini, sed faciem Domini non videbat, quoniam erudiebatur ad fidem: ut & ipse postea docuit, *fides ex auditu est*^f. *Quis es?* Inquit. Ignotum enim persequebatur, & ideo consequitus est misericordiam, quia ignorans in incredulitate hoc fecit. Discite ex hoc, Fratres, justum judicem Deum, non modò quid fiat, sed & quo animo fiat, considerate: & cavete deinceps ne quis parva reputet, quamlibet parva scienter delinquere convincatur. Nempe dicat in corde suo, *Lævia sunt ista, non curio corrigerem:* non est magnum si in his maneam venialibus minimisque peccatis. Hæc est enim dilectissimi, impoenitentia, hæc blasphemia in Spiritum Sanctum, blasphemia irremissibilis. Paulus quidem blasphemus fuit, sed non in Spiritum Sanctum, quia ignorans fecit in incredulitate: non in Spiritum Sanctum blasphemans: ideo consequitus est misericordiam.

Quis es Domine? Et Dominus ad eum: *Ego sum Iesus Nazarenus, quem tu persequeris.* Ego sum Salvator, quem tu persequendo petis*. Ego sum de quo tu in lege tua legis prædictum quod nescis impletum^g, quia Nazarenus

*Detractores
& scandali
auctores, et
iam Christi
persecutores.*

Rom. 1. d

Matt. 12. c
Luc. 11.

"

Aétor. 9. a

"

Rom. 10

*Lævia etiam
peccata quam
studiosè ca-
randa.*

** al. peris.
Matt. 2. d*

In Conversione S. Pauli, Sermo I. 141

zarenum vocabitur. Et ille: *Domine, quid me vis facere?* Hæc planè fratres, perfectæ conversionis est forma. *Paratum, inquit^b, cor meum Deus,* ^{b Psal. 56. b} *paratum cor meum.* *Paratus sum & non sum turbatus, ut custodiam manda-*
tuaⁱ. *Domine, quid me vis facere?* O Verbum breve, sed plenum, sed
vivum, sed efficax, sed dignum omni acceptance. Quàm pauci inveniuntur in hæc perfectæ obedientiæ forma, qui suam ita abjecerint voluntatem ut ne ipsum quidem cor proprium habeant, ut non quid ipsi, sed quid Dominus velit, omni hora requirant, dicentes sine intermissione: *Domine, quid me vis facere?* Et illud Samuelis^k: *Loquere Domine, quia audit servus tuus.* Heu plures habemus Evangelici illius cæci, quam novi Apostoli imitatores. *Quid vis* (ait Dominus ad cæcum illuni^l) ^{l Matt. 10. &} *ut faciam tibi? Quanta est miseration tua Domine, quanta dignatio tua?* ^{Luc. 18. g} Siccine Dominus querit ut servi faciat voluntatem? Verè cæcus ille, quia non consideravit, non expavit, non exclamavit. Absit hoc Domine, tu magis dic quid me facere velis. Sic enim decet, sic omnino dignum est, non meam à te, sed à me tuam quæri & fieri voluntatem. Videtis, Fratres, quia verè necessaria erat hoc in loco conversio? Sic profecto, sic multorum usque hodie pusillanimitas & perversitas exigit, ut ab eis quæri oporteat. Quid vis ut faciam tibi? Non ipsi querant: *Domine, quid me vis facere?* Considerare neccesse habent Ministri & Vicarii Christi, quid perstringuntur. sibi præcipi velint: non ipsi considerant quæ voluntas sit præceptoris. Non est obedientia eorum plena, non in omnibus parati sunt obsequi, non per omnia sequi proposuerunt eum, qui non suam, sed Patris venit facere voluntatem. Discernunt & dijudicant eligentes in quibus obedienti imperanti, imo in quibus Præceptorem suum ipsorum obedire neccesse sit voluntati. Huiusmodi itaque etsi tolerari se videant, & descendendi ac morem geri infirmitati suæ, proficient obsecro, pudeatque semper parvulos inveniri, ne quando forte audiant: *Quid debui vobis facere, & non feci?* & abutentibus patientia & benignitate Prælati, fiat tandem multitudo exhibita miserationis cumulus justæ damnationis.

Domine, quid me vis facere? Et Dominus ad illum: *Surge, & ingredere civitatem, ibi dicetur tibi, quid te oporteat facere.* O sapientia suaviter, verè universa disponens! Eum cui tu loqueris, erudiendum de voluntate tua mittis ad hominem, ut socialis vitæ commendetur utilitas, & edocitus per hominem, discat & ipse secundum datam sibi gratiam hominibus subvenire. *Ingredere civitatem.* Videtis, Fratres, non sine divino consilio factum esse, ut hanc civitatem Domini virtutum ingredieremini, divinam discere voluntatem? Planè qui te salubriter terruit, & convertit cor tuum ad desiderandam voluntatem suam, ipse tibi dixit, *Surge, & ingredere civitatem.*

civitatem. Sed audi quām manifeste in his quā sequuntur, voluntaria simplicitas & Christiana commendatur mansuetudo. Apertis oculis nihil videbat: ad manus autem trahebatur ab his qui comitabantur eum. Fœlix cæcitas, qua male quondam illuminati in prævaricatione, tandem in conversione oculi salubriter excæcantur. Sanè quod triduo Paulus sine cibo manet persistens in oratione, ad eos maximè pertinet, qui noviter seculo abrenunciantes, neandum in cœlesti consolatione respirant. Sustineant ergo & ipsi Dominum in omni patientia, orent sine intermissione, quærentes, petentes, pulsantes: quia exaudiet eos Pater cœlestis in tempore opportuno. Non obliviscetur eorum in finem, veniet & non tardabit. Si triduo sustinueris eum non habens quod manduces, confide quia miserator & misericors Dominus jejenum te non dimitteret.

m. Tim. 5. a

Exinde jubetur Ananias manus imponere Saulo, sed tanquam benè eruditus, non continuò acquiescit. Vide enim si non etiam Paulus ipse doctrinam hanc deinde tradidit discipulo: Nemini, inquiens ^m, cito manus imponas. Vedit (ait Dominus) virum imponentem sibi manus ut visum recipiat*. Fratres, Paulus hoc cum vidisset, non continuò illuminatus est. Nunquid non expectavit Ananiæ manum, quia venturum eum forte in somnis prævidit? Hæc dico, charissimi, quia vercor ne quis forte sit inter vos, qui solo se somnio præsumat illuminatum esse: nec jam æquanimiter patiatur ad manum trahi, sed ductorem sese profiteatur aliorum. Cui enim neandum administrationis cura injuncta est, cui neandum credita dispensatio, cui neandum præceptum ut videat & provideat his qui apertos oculos habentes nil vident? Quid hoc præsumere tentat, nisi quia meditatur inania, & quasi omnia vana sectatur? Caveamus ab hoc vitio, Fratres, semper, quod in nobis est, abiecti eligamus esse, & ad manus trahi, mansuetudinem & humilitatem discentes à Christo Domino: cui eit honor & gloria in sæcula sæculorum, Amen.

* Hæc verba in Bibliis correctis includuntur parentesi, ut sint verba Luke floriam Apost. scribentis, hic Christo tribuuntur.

DE CONVERSIONE S. PAULI,

S E R M O II.

COnversus est hodie Paulus, imo Saulus conversus, versus est in Paulum. Siquidem factus est tanquam Evangelicus ille parvulus, de quo Matt. 18. a Dominus ait*: Nisi conversueritis, & efficiamini sicut parvulus iste, non intrabitis in regnum cœlorum. Fortè enim seipsum dicebat. Nimurum ipse magnus Dominus & laudabilis nimis, ipse parvulus qui datus est nobis; nec

*¶ Matt. 18. a
Christus par-
vus & humili-*